

人物

宦業

漢

許

毗

隱士猗曾孫也官至侍中太常子德字伯安終安定汝南太守子據大

司農父子俱有聲稱其後代有名人則隱士之遺遠也

晉

許

允

字士宗世冠族父據仕歷典農校尉郡守允少與清河崔贊俱發名於

冀州召入軍明帝時爲尙書選曹郎選郡守非次遣虎賁收之既檢校皆官得

其人乃釋遣出望其衣敗曰清吏也賜之後出爲郡守稍遷爲侍中尙書中領

軍會鎮北將軍劉靜卒以允代靜大將軍與允書曰鎮北雖少事而都典一方

念足下震華鼓建朱節歷本州此所謂着繡畫行也會有司奏允前散放官物

收付廷尉徙樂浪道死

許奇 字子大弟猛字子豹領軍將軍允之子也并有治理奇泰始中爲太常

丞世祖當祠廟奇應行事朝廷以奇受害之門不令接近出爲長史世祖下詔述允宿望又稱奇才擢爲尙書祠部郎猛禮學儒博加有才識爲幽州刺史時廣楊霍原有名稱猛素服其名會刺幽州將便道詣之主簿當車諫不可出界猛歎恨而止其篤好名賢如此名在二十四友中其道廣可知

許皎 字仲仁允之孫詢之父也仕司徒掾永嘉三年終會稽內史因家焉

魏

許遜 字仲讓有幹局乾明中平原太守卒贈信州刺史子文高司徒掾弟惇別有傳

許宏 字叔明遜之弟性開率州治中別駕西高陽太守大夫興和二年卒年四十一贈鎮東將軍瀛州刺史

許惇 字季良父護魏高陽章武二郡太守惇清識敏速達於從政任司徒主

簿以能判斷見知時人號爲鐵主簿遷陽平太守治爲天下第一特加賞異圖形於闕詔頒天下遷魏尹出拜齊州刺史治並有聲遷大司農會侯景背叛王思政入據潁城王師出討惇嘗督漕軍無乏絕引洧水灌城惇之策也遷殿尙書惇美鬚髯下垂至帶省中號長髯公顯祖嘗因酒酣以刀截之時人又號齊髯公世祖踐祚領御史中丞爲膠州刺史尋追爲司農卿又遷大理卿再爲度支尙書歷太子少保少師光祿大夫開府儀同三司尙書右僕射特進賜爵萬年縣子食下邳郡以年老致仕於家三年卒子文紀武平末度支郎中文經別有傳

許文經 惇之次子勤學方雅身無擇行口無戲言武平末殿中侍御史隋開皇初侍御史兼通直散騎常侍聘陳使副主爵侍郎卒於相州長史

許琰 字長琳熙之孫有幹才初除太學博士累遷尙書南主客郎瀛州中正

孝昌中卒年四十七贈平東將軍滄州刺史永熙中重贈散騎常侍衛將軍尙

書右僕射瀛州刺史

許璣

字仲衡璣之弟廣平王常侍員外散騎侍郎諫議大夫遷通直散騎常

侍瀛州大中正散騎常侍滎陽太守行南青州事卒年五十五

唐

齊澣

字洗心高陽平敬侯受之裔居義豐少開敏年十四見特進李嶠嶠稱

有王佐才聖歷初及進士第以拔萃調蒲州司法叅軍景雲初姚崇取爲監察

御史睿宗將祠太廟刑部尙書裴談攝太尉先告澣奏孝享攝事稽首而拜恭

明神也而談慢嫺不恭并劾談告神慢事主不忠家不治三罪談由是除汾州

刺史開元初姚崇復相用爲給事中中書舍人論駁及誥詔皆援準古誼朝廷

大政必咨之時號解事舍人馬懷素等緒次四庫書表澣爲副改秘書少監出

爲汴州刺史地當舟車湊集事浩繁刺史唯倪若水與澣以清毅聞吏民頌美

玄宗封泰山歷汴宋許澣以淮至徐城險急鑿渠十八里入清水使其漕中書

令張說擇丞轄以王邱爲左澣爲右李元紘杜暹當國表宋璟爲吏部尙書澣及蘇晉爲侍郎世謂臺選大理丞麻察坐事出爲興州別駕澣往餞因以諫用王毛仲語之祭素姦佻遽言狀帝怒召澣入殿中日卿尙疑朕不密而反告察謂何澣免冠頓首謝貶高州良德丞久之澣徙索盧丞郴州長史濠常二州刺史遷潤州州北距瓜步沙尾紆匯六十里舟多敗溺澣徙漕路由京口埭治伊婁渠以達揚子歲無覆舟減運錢數十萬又立伊婁埭官征其入招還流人五百戶置明州以安輯之復徙汴州復爲兩道採訪使會幕府事連澣詔矜澣老放歸田里天寶初詔爲太子少詹事留司東郡林甫又用澣平陽太守卒年七十二肅宗時錄林甫所陷者皆褒洗故澣贈禮部尙書

齊

映

舉進士博學宏詞補河南府參軍事滑亳節度使令狐彰署掌書記彰

疾甚引映託後事映因說彰納節歸諸子京師彰從之卽以女妻映彰卒軍亂映間歸東郡三城使馬燧辟爲判官盧杞薦授刑部員外郎又爲鳳翔張鎰判

映官練軍事論奏數稱旨進行軍司馬會德宗出奉天鎰懦緩不知兵部將李
楚琳殺鎰以應賊映奔奉天授御史中丞從幸梁道險澀常爲帝御會駭突帝
恐傷映詔捨轡固不去曰馬奔蹠不過傷臣或犯清蹕臣雖死不足償責會梁
帥嚴振具橐韉拜御馬前帝初駭爲泚兵也旣見乃大喜勅上馬爲西道主人
映大言曰振合導馬御膳自有司者頃次洋州帝責映映伏奏曰山南士庶知
有振不知有陛下今者天威親臨令巴蜀知天子之貴亦足以盡振爲臣子之
節帝嘉嘆擢給事中映爲人白皙長大言音鴻爽故帝令侍左右或馬前臚傳
詔旨進中書舍人貞元二年以舍人同中書門下平章事俄改中書侍郎封河
間縣男映當國時吐蕃入寇關輔震騷咸言帝欲避映入諫俯伏流涕天子為
感悟後給事中袁高忤帝旨映以爲尙書左丞御史大夫始映微時張延賞遇
之善及映相而延賞爲左僕射數爲映畫事又爲所親求官映不答延賞恚旣
復用卽劾映非宰相器明年貶夔州刺史徙衡州久之爲桂管江西兩觀察使

卒年四十八贈禮部尙書諡曰忠

齊

抗

字遐舉少值天寶亂奉母夫人隱會稽壽州刺史張鎰辟署幕府抗吏

事閑敏有文雅從鎰鎮江西及以宰相領鳳翔奏署監察御史李楚琳亂奔奉天授侍御史遷戶部員外郎蕭復引爲江淮宣尉判官德宗自梁洋還財用大絀鹽鐵使元琇薦杭材改倉部郎中俄爲水陸運副使護漕江淮給京師歷諫議大夫坐小累爲處州刺史歷蘇州徙潭州觀察使召爲給事中遷河南尹進太常卿以中書侍郎同中書門下平章事以病乞身罷爲太子賓客卒年六十五贈戶部尙書諡曰成

宋

許

介

淳熙十一年由繁昌尉調青陽有政聲紹興元年重建協濟祠又建高

陽橋仕至安撫使所爲祠記雅有韻度志稱多異跡歿猶神恠語在公祠記中祀名宦又別有專祠萬歷中蘇令萬民爲之記

元

郭克明

字德峻世居龍化鄉石氏里汾陽之裔也和厚敦雅廉慎周詳事不苟

一時之便延祐中以明法爲掾史平章政事趙榮仁每資其贊佐所至審理冤

滯摘發奸貪還授將侍郎靖海縣簿再期召爲刑部掾遷右衛率府知事至治

壬戌調盱眙縣丞未赴改徵侍郎提舉覆實司副尋制受奉訓大夫府正司典

簿俄出知蠡州民安其化有頌德碑至順初遷奉議大夫京畿都漕運使司副

上言在京管內孤老例給月糧請所部長吏詣倉計口支撥無致汎濫仍令專

掌其事從之奉旨董辦雲州銀課視常額增羨至元乙亥轉朝列大夫再提舉

覆實司事建言比年凡諸營造所需物色工匠因緣爲姦糜費良多乞自今度

其便宜平其價估定其限制然後支給所需復命主者監臨其事特允其議是

後給歲省官資億萬錠復奉旨讞獄江南湖北諸道所至每多平反賴以全活

者甚衆至正壬午進朝請大夫提舉司事無何進中大夫濟南路總管卒贈嘉

議大夫上輕車都尉追封太原侯

韓善 葛城人至正己丑爲河間令雅意政教嘗置籍錄其人臧否令里胥月

報而彰輝之由是豪猾斂手莫敢犯法又於東城鎮建夫子廟以興學禮士蒞政三載始終一節民立生祠事之

明

張文炳 以薦貢授大名通判大名土廣民庶於鄰郡爲雄要文炳以貞恕用其剛明故守潔而和其持法以平直當瘡痍甫定勞來安輯民受其賜丙辰旣報政陞同知紹興府事

吳琮 字廷璋孝友篤摯其母家爲寧波路姓祖學守武昌爲其其父結婚宦

邸琮旣薦鄉書持所業視路家舅未終而目謂之曰宅相之寄在甥矣然尙未足一第琮遂負笈遊寧波痛自策勵學成歸登景泰丁丑進士第授行人嶄然孤立不苟一介遷四川兵備副使時番人苦煩苛至逆我顏行琮至罷去一切

綏以德愛徼外化服不復以一矢相加遺蜀人德之

馬

龍

字天章成化間由鄉舉判彰德有明允聲期當遷而乞歸歸則耽詩酒絕跡塵囂課子弄柔翰暇携老友相吟嘯時野服饁田作于于如也睦族周急貸不計償鄉里推爲長者

韓

勗

字德懋少敏慧日誦萬言家不宿瓶儲而下帷不輟每構一藝數削其藁至黏之壁往復參之不精絕不止嘉靖辛卯以易中順天第二明年成進士

館選旣進御以它卷有露姓名者更選而罷時有風雨孤舟之咏遂除戶部主

事改兵部歷職方郎中時大同太原羽檄如星火勗佐大司馬伯溫指授方略

悉中機宜二十三年薊鎮巡撫都御史朱方疏撤客兵于薊以省餉下部議勗

以兵未可輕撤而伯溫不用議盡撤各鎮所調兵無何破宣府塞入紫荆京師

戒嚴於是伯溫并宣大總督尙書翟鵬俱削籍巡撫都御史方及勗朴闕廷下

無何死以方請撤兵勗主覆議也子三况以孝廉兩爲令尹准以明經訓長垣

澗以孝廉卒

董懋中

字德甫號鳳池少機穎書過目輒成誦嘉靖甲午年十九舉於鄉時一

門同舉者四人戊戌登進士除刑部主事改兵部累遷武選職方郎中選將材
公薦舉核軍政精武備釐宿蠹歷歷有聲時條上防禦事宜會大將軍鸞總京
邊權傾中外本兵職方事每相關懋中陰爲節制大司馬錦故謹厚長者懋中
少年極熟於典故當庚戌後邊事倥傯懋中口占題覆日上數十疏其敏決如
流一時稱奇才辛亥薊鎮獻捷懋中以職方遷光祿少卿壬子鸞不能戰死奪
爵追論大司馬錦謫戍邊懋中仍以職方時編居庸居永寧構講經堂希程慕
邵二齋喜爲諸生講性命之學遠近從學甚衆其性孝友渾朴雅好談劃時事
圖九邊要害若指諸掌而才猷經略雖邊臣宿將自謂莫及卒以徙死惜哉

孫銓

字次公少傳文正公家嗣也由恩選授高苑令廉能有聲擒大盜捍孤

城興利除害苑邑至今誦之戊寅少傳公闔門殉節公冒白刃奔喪歸里自少

傳公而下弟姪男婦諸喪皆賴公以舉倉皇顛沛中襄事成禮叩閣請卹得贈
秩祭葬如例俾群從孤嫠咸得所公天性孝友操行嚴重居家儉素雅不欲以
貴介爲人指目事關軍國則奮然倡義傾家不恤侍母王夫人疾衣不解帶藥
餌必躬進女弟子歸輟已女奩具資之少傳之再起督師也公往省視幕下有
以重賕浼爲道地者公峻却之高陽故土城長吏議璧之公首輸餼貲二十萬
爲助群和之而城成臺使者爲上績於朝特命建坊焉纂少傳年譜成遂逝邑
人祀之於社高苑亦祠之名宦長子之芳字洗聞以少傳軍功廕錦衣衛指揮
僉事清順治中改福建操補都司遷河南掌印未任卒洗聞爲人豪爽負氣重
然諾少傳文集百卷鏤板南中燬于兵洗聞官閩拾煨燼補斷齧縮食儻工刻
甫竣而病沒弟之藻請於容城孫徵君奇逢刊定高苑公所撰少傳年譜亦先
後告成以孫氏世澤未艾故附見焉

劉似鰲

號橫海萬歷癸丑進士任聞喜榆林兩縣令有古循良風擢刑部郎中

時逆璫焰方熾闡豎有羅法者似鰲朴之不少貸其黨啣之調江南太平府知府蔬食布衣勵精圖治任滿遷莊浪兵憲邊方頻警屢立戰功時三道缺人似鰲一身佩四符畫戰守調兵食勞瘁成疾卒於官有司以聞予祭奠

郭雲鵬 字扶搖于堤村人中萬歷戊午科舉人仕鞏昌司理捕豪強保善類不阿不回嘗云刑名得失動關民命倘假手不得其人是委民命於草菅也謂理官何故服官日事無巨細務躬親至決大辟及疑獄必爲再四叅詳期於死地求生甫三載心力勞竭卒於官輿論惜之

韓旦 字東谷職方郎中勗之弟也嘉靖甲午舉人令靈璧地半石田夙多逋賦公爲巡行清丈籍其地不堪耕租不能辦者申請蠲除民便之潁水河一堤尤爲一方永賴焉任滿當遷感兄勗冤歿遂引疾致仕邑人立有去思碑所作詩文遺稿甚富子太和中萬歷丁酉舉人生和以明經任永平府教授俱博學有才望

王鼎銘

字錄勳王福人五世祖紀明宏治時宦遼晉紀生揚舉人知滕縣事揚生蓀蓀生令謨皆歲貢生鼎銘令謨冢子也方正嚴毅喜誦讀尙節義里閭望之罔不敬畏就之溫如也以仲弟善病卽潛心藥餌雅得醫意而活人甚衆異母弟喜博塞產業蕩然教育之卒爲諸生教授弟子演講得聖賢精旨已而由明經授虹縣教諭日聚生徒講習詩書以忠孝爲先虹士風大振陞浙川知縣時流寇猖獗大河以南無堅城君誓民以忠義屢出破賊久之病乃告老素能詩解丹青林下藉以自娛戊寅殉難子晉文赴文廟死

清

馮

杰

字邵闇歸還人明萬歷戊午舉於鄉天啟壬戌成進士釋褐章邱令值

水患城不沒者三版公登陴虔禱怒流爲稍却得施畚鍤城獲全盜劫隣邑解鎖率家僕親捕之以治行高等行取考選授禮科給事中巡視皇城忤用事者以同官事中傷之謫戍大同公代同官受過不自白怡然就遣閱十餘年順治

中興補戶科給事中丙戌分校禮闈所取士廷對多前茅狀元傅公以漸出其門後大用其他多登卿貳清華者蓋於同考得人爲盛歷陞太常大理卿晉戶部右侍郎督理錢法鈎稽釐剔以稱職聞逾年暴疾卒公天性純質厚重寡言笑與人交無城府服官涉世委心任運不以升沉介懷人以長者稱之

李發元

字元毓隴口村人參議公儼五世孫文敏公之從子也生而穎異孤貧

力學明天啟甲子舉於鄉崇禎甲戌成進士授寧波府推官時獄訟繁興文簿堆案公精心鈎稽以平反求主爲務人皆自謂不冤甲申以治行高等內召順治乙酉授廣西道監察御史巡視兩淮鹽課公上言請以淮商所積垣鹽六萬引還商辦課商乃稍出趨事既而考求利病次第修改舉發引目收商本掣殘鹽禁越俎章凡數十上最後議量力行鹽之法照新例一引納兩引之價照舊例一引行兩引之鹽商竈謹呼謂李公生我公以鹽政久廢凡纖贏小利目前之謀一切寢罷汲汲於固結人心爲商請命甫匝歲以勞疾辭抵家遂卒公天

性孝友居父母喪毀瘠過禮恩例任子不予子而予伯兄之子玠仕至太原知府居鄉捍患賑災爲德不憚矜慎聲氣雅意作人於時南北名公卿皆與公篤嚶鳴之好在寧波值小試攝行守事所拔多孤寒時以政暇課文業士風大起己卯公校省試解首出公門餘皆知名士後先登上第通顯公才識敏瞻備不群少負大志而困於帖括遇合差晚洎釋褐登朝年近耳順一試於刑名稍展於鹽筴未罄蘊抱尤爲人所共惜云子二瑛順治甲午鄉榜任萬州知州瑄任富陽知縣瑛子百齡康熙癸丑進士孫居廣康熙壬辰進士任山東嶧縣令胞弟居臨中己卯鄉榜任湖北房縣令曾孫瞻岫雍正己酉鄉榜

董應徵

字錫九光祿少卿懋中從孫也勤苦力學雅負清節以選拔授山西孝

義縣丞陞廣靈知縣順治初起知浮山縣陞漢中府同知廉而有爲留心水利值賊賀珍之亂倡義拒守結人心聚糧糗被圍月餘寇解去以功加三級卽擢知府時棧道燬於逆闖君督修之遺碑存今雞頭關設法捐贖婦女無家者擇